




# AR VRETOUNED E LOURD.


(TON : Lez Breiz)

*Martiale.*

Rou-a-nez Arvor, oll ho sa-lu-  
 domp O guer - c'hez di - nam,



ennoc'h e cre-domp ! O guerc'hez di-



nam, ennoc'h e cre domp !



O Guerc'hez Vari, dre-holl ha bepret,  
C'hui voue gant Breiziz ann *Itroun* garet.



Guechal hon tud coz, sentuz d'ho lezen,  
En em vouestlas oll deoc'hui da viken.



Hag a-c'houde-vez, al le 'zo miret,  
'Vel en deiz kenta ma 'ze bet touet.



Hon Arvor a vev dre ho madelez :  
Ni 'zo bugale deoc'hui da jamez.



Euz ho pugale, o Mam ! clevit 'ta,  
Clevit ar beden hac ar bromessa.



O Mam hor Zalver, evel hon tadou,  
Ni 'ro, da viken, deoc'h hor c'halounou.



Mes prijit, d'ho tro, Arc'h a esperans,  
Souten ann Iliz, savetei ar Frans.



Mar be ret difen he honor d'hor bro,  
Ar Breizad kristen dispount a gerzo.



Dindan ho skoazel, epad ann emgann,  
Soudard, martolod, 'ra fae var ann tãn.



Ar micherour paour, al labourer kez,  
A drid ho c'haloun gant ho karantez.



Mam, roit ho pennoz deomp ha d'hon tudou,  
Ha d'hor parkeier koulz a d'hon aochou.



D'hon tiegeziou, ha d'hor bugale,  
Ha d'hor mignounet 'zo er gear du-ze.



D'hor martoloded ho pennoz ivez;  
Hi gass oc'h hano d'ann Douar-Nevez.



Skuillit ho pennoz var hor soudarded;  
Rentit d'ho banniel he gloar hac he sked.



Hac hed hor buez, euz ho crassou c'hui,  
Ni hor bezo sonj, ô Guerc'hez Vari.



Euz ar roc'h santel, pa vimp en hor bro,  
Ar sonj dudius ganeomp a jomo.




Endra bado'r bruk var hor meneziau,  
Karantez hor Mam 'vo 'n hor c'halounou.



Rac ho pugale, ô Guerc'hez santel,  
A c'hed dreizoc'hui ar vuez eternal.



Oll, en ho kichen, en env, eun devez,  
'Fell dezho beza, Mam a garantez.



Permis d'imprimer :

*Quimper, le 31 mars 1879.*

J. JÉGOU, vicaire général.

---

*Moulet e Quemper, ty E. PENEL, ru Kereon.*